

Sarajevo, 14. 09. 2017. godine

Na osnovu člana 64. stav 1. tačka b., člana 70. stav 1. 3. i 6. Zakona o javnim nabavkama (Sl. glasnik BiH br. 39/14), člana 27. Pravilnika o nabavci roba, vršenju usluga i ustupanju radova KJKP "Vodovod i kanalizacija" d.o.o. Sarajevo i člana 41. Statuta preduzeća, na preporuku Komisije za javnu nabavku broj KZ 74/17 od 05.09.2017. godine, u postupku javne nabavke roba: " Vodovodni materijal za potisne cjevovode NP16 na novim bunarima B7A i B6A", donosi se:

**O D L U K A**  
o izboru najpovoljnijeg ponuđača

**Član 1.**

Prihvata se preporuka Komisije za javne nabavke o izboru najpovoljnijeg ponuđača broj KZ 74/17 od 05.09.2017. godine i ugovor za javnu nabavku roba: " Vodovodni materijal za potisne cjevovode NP16 na novim bunarima B7A i B6A " i dodjeljuje se ponuđaču: " Bihexo" d.o.o. Sarajevo, ponuda broj: 4330/17 od 28.08.2017. godine, za ponudenu cijenu od 23.352,70 KM bez PDV-a, kao najbolje ocijenjenom.

**Član 2.**

Prijedlog ugovora o nabavci dostaviti će se na potpis izabranom ponuđaču "Bihexo" d.o.o. Sarajevo po proteku od 10 dana, računajući od dana kada su svi ponuđači obaviješteni o izboru najpovoljnijeg ponuđača.

**Član 3.**

Ova odluka objavit će se na web stanici [www.viksa.ba](http://www.viksa.ba) istovremeno s upućivanjem ponuđačima koji su učestvovali u postupku javne nabavke, u skladu sa članom 70. stav 6. Zakona o javnim nabavkama.

**Član 4.**

Ova odluka stupa na snagu danom donošenja, a dostavlja se svim ponuđačima koji su učestvovali u postupku javne nabavke, u skladu sa članom 71. stav 2. Zakona o javnim nabavkama.

**O b r a z l o ž e n j e**

Postupak javne nabavke pokrenut je Odlukom o pokretanju postupka javne nabavke broj: KZ 74/17 od 02.08.2017. godine.

Javna nabavka je provedena putem konkurentskog zahtjeva za dostavljanje ponuda nabavke. Procijenjena vrijednost javne nabavke bez PDV-a iznosi: 25.000,00 KM, a ista je planirana u dopuni Plana nabavke za 2017.god., u poziciji br.408 – JRJN 44160000-9

Obavještenje o nabavci broj: 247-7-1-137-3-178/17 objavljeno na Portal JN dana 08.08.2017. godine.

Komisija za javnu nabavku imenovana je Rješenjem br. 293/16 od 03.11.2016.g., i dodatni članovi komisije imenovani Rješenjem br. KZ 74/17-1 od 02.08.2017. godine.

Komisija za javnu nabavku je dostavila Preporuku o izboru najpovoljnijeg ponuđača broj KZ 74/17 od 08.09.2017. godine u postupku javne nabavke roba: " Vodovodni materijal za potisne cjevovode NP16 na novim bunarima B7A i B6A " – tender br. KZ 74/17

Komisija za javnu nabavku je sačinila odgovarajuće zapisnike u kojima je utvrđeno sljedeće:

- da je ukupan broj pristiglih ponuda: dvije (2) ponude – "Bihexo" d.o.o.Sarajevo i "Vodoskok"d.o.o. Tomislavgrad
- da je blagovremeno zaprimljeno: dvije (2) ponude – "Bihexo" d.o.o.Sarajevo i "Vodoskok"d.o.o. Tomislavgrad
- da nije bilo neblagovremeno zaprimljenih ponuda,
- da je dostavljena ponuda ponuđača:"Bihexo"d.o.o. Sarajevo prihvatljiva.

Ponuđač „Bihexo“ d.o.o. Sarajevo je preuzeo tendersku dokumentaciju sa portala javnih nabavki i samim tim ostvario pravo učešća u postupku.

Ponuda ponuđača „Vodoskok“ d.o.o. Tomislavgrad, je vraćena neotvorena, jer ista nije dostavljena u skladu sa članom 41. tenderske dokumentacije „Trošak ponude i preuzimanje tenderske dokumentacije“. Tenderska dokumentacija se može preuzeti isključivo na Portalu javnih nabavki, a u skladu sa odredbama člana 55. stav 1. tačka d. ZJN-a i Uputstvom o dopunama uputstva o uslovima i načinu objavljivanja obavještenja i dostavljanja izvještaja u postupcima javnih nabavki u informacionom sistemu „E-nabavke“.

Kako ponuđač „Vodoskok“ d.o.o. Tomislavgrad nije preuzeo tendersku dokumentaciju sa Portala JN, tako isti ne može biti učesnik u postupku javne nabavke za tender br. KZ 74/17 „Vodovodni materijal za potisne cjevovode NP 16 na novim bunarima B7A i B6A“, te se ponuda vraća (neotpakovana) zatvorena ponuđaču.

Dostavljanje zapisnika sa otvaranja ponuda izvršeno je prema ponuđaču "Bihexo"d.o.o. Sarajevo u zakonskom roku.

Nakon izvršenog otvaranja ponuda, Komisija je pristupila pregledu i ocjeni pristigle ponude u formalnom smislu: oblika ponude (numeracija, uvezivanje, parafiranje i dr.), sadržaju ponude, cjelovitosti odnosno potpunosti ponude i konstatovala sljedeće:

Komisija je utvrdila da dostavljena ponuda ponuđača "Bihexo" d.o.o.Sarajevo ispunjava zahtjevane TD uslove prema obliku i potpunosti u smislu pripreme ponude.

Pregledom ponude koja je zadovoljila uslove u formalnom smislu, Komisija je pristupila analizi dokumentacije priložene uz ponudu u smislu provjere kvalifikacije ponuđača, obzirom na iskazane zahtjeve ugovornog organa u tenderskoj dokumentaciji i konstatovala sljedeće:

Komisija konstatuje da ponuđač "Bihexo"d.o.o. Sarajevo ispunjava kvalifikacione uslove, obzirom na iskazane zahtjeve ugovornog organa u tenderskoj dokumentaciji.

Ponuda navedenog ponuđača ima popis dokumenata uz ponudu tj. sadržaj, potpisan od strane ovlaštenih lica ponuđača i ovjeren pečatom ponuđača, te ima broj i datum.

Daljim pregledom ponude ponuđača „Bihexo“ d.o.o. Sarajevo, od strane stručnih lica za predmetnu nabavku je konstatovano da je ponuđač „Bihexo“ d.o.o. Sarajevo ispunio zahtjeve u pogledu opisa predmeta nabavke i tehničke specifikacije.

Pojašnjenje u smislu čl. 68. stav (3) ZJN, a koji se odnosi na pojašnjenje dokumenata koje su dostavili u skladu sa čl. 45. do 51. ovog zakona ili da dostave originalne dokumente radi poređenja s kopijom koja je dostavljena uz ponudu, a s ciljem otklanjanja formalnog nedostatka dokumenta – se nije zahtjevalo.

Računskom kontrolom specifikacije ponude ponuđača „Bihexo“ d.o.o. Sarajevo konstatovano je da u ponudi ponuđača „Bihexo“ d.o.o. Sarajevo nema grešaka računске prirode.

Konstatovano je da ponuđač „Bihexo“ d.o.o. Sarajevo nije dostavio Potvrdu o primjeni preferencijalnog tretmana.

Ugovorni organ dodjeljuje ugovor na osnovu sljedećeg kriterija: Najniža cijena (čl. 64. stav 1. tačka b) ZJN ).

Tenderskom dokumentacijom je predviđena primjena e-aukcije, a obzirom da je pristigla samo jedna prihvatljiva ponuda, to se u skladu sa članom 3. stav (3) Pravilnika o uslovima i načinu korištenja e-aukcije (Sl. glasnik BiH broj 66/16) e-aukcija ne može zakazati, nego će se postupak okončati u skladu sa članom 69. stav (1) tačka a) Zakona o javnim nabavkama.

**Primjenjujući zadate kriterije, izvršena je analiza prihvatljive ponude prema kriteriju za izbor ponude:**

RB.	Ponuđač	Cijena iz ponude bez PDV-a u KM	Popust i sl.	Cijena sa popustom u KM	Preferencijalni tretman domaćeg	Cijena sa popustom umanjena za preferencijalni tretman (umanjena za 10%)	Ukupno bodova	Redoslijed ponuda po broju bodova
1.	"BIHEXO" d.o.o. Sarajevo	23.352,70 KM	-	23.352,70 KM	-	-	100	1

Nakon izvršenog vrednovanja ponude prema utvrđenom kriteriju, izvršeno je rangiranje prihvatljive ponude prema kriteriju za izbor ponude. Redoslijed ponude je sljedeći:

Rb.	Ponuđač	Redoslijed ponuda
1.	" BIHEXO " d.o.o. Sarajevo	1

Izabrani ponuđač je izabran primjenjujući kriterij najniže cijene, koja je ponuđena u iznosu od 23.352,70 KM bez PDV-a, br.ponude: 4330/17 od 28.08.2017. godine

Iz gore navedenih razloga, primjenom člana 64. stav 1. tačka b. ZJN , donesena je Odluka o izboru najpovoljnijeg ponuđača kao u članu 1. ove odluke.

**Pouka o pravnom lijeku:**

Protiv ove odluke može se izjaviti žalba, najkasnije u roku od 5 (pet) dana od dana prijema ove odluke.

- Dostaviti:  
- Ponuđač  
- a/a



Direktor  
*Hadzić*

Nezir Hadžić, Magistar uprave